

ՀԱՅԿԱՍՏԱՆԻ ԿՈՎԿԱՍԻ ՀԱՅԿԱԿԱՆ ԳԱՂՔԱՎԱՅՐԵՐԻ
ԱՌԵՎՏՐԱՏՆՏԵՍԱԿԱՆ ԿՅԱՆՔԻ ՊԱՏՄՈՒԹՅՈՒՆՆԵՐԻ
(Ղզլար և Մոզդուկ, XVIII դար—XIX դարի առաջին կես)

Լ. Ա. ՊՈՂՈՍՅԱՆ

Հյուսիսային Կովկասում XVIII դարում հիմնադրված Ղզլարի և Մոզդուկի հայկական գաղթավայրերը նշանակալի դեր են կատարել երկրամասի հասարակական-քաղաքական, առևտրատնտեսական և մշակութային կյանքում, հայ-ոսմական և հայ-հյուսիսկովկասյան ժողովուրդների փոխհարաբերություններում:

Հյուսիսային Կովկասի հայկական գաղթավայրերի առևտրատնտեսական կյանքի պատմության առանձին հարցեր քննարկվել են նախասովետական պատմաբանների կողմից: Սակայն վերջիններս, նպատակ չունենալով ներկայացնել հայ համայնքների առևտրատնտեսական կյանքի պատմությունը, հայ գաղթավայրերին անդրադարձել են այնքանով, որքանով դրանք առնչվել են իրենց անմիջական հարցադրումներին¹: Սովետական պատմաբանները զգալի աշխատանք են կատարել Հյուսիսային Կովկասի սոցիալ-տնտեսական կյանքի պատմության ուսումնասիրման գործում, բացահայտել երկրամասում առևտրի, տնտեսության տարբեր ճյուղերի զարգացման քաղաքական և սոցիալ-տնտեսական նախադրյալները, տեղեկություններ ու ընդհանուր օրինաչափություններ: Բնականաբար, նրանք չեն անտեսել երկրամասի առևտրատնտեսական կյանքում որոշակի դեր կատարած հայկական գաղթավայրերի պատմությունը: Նրանցում նշվել է հատկապես հայերի մասնակցությունը գյուղատնտեսական մի շարք կուլտուրաների ներմուծմանն ու մշակմանը, արհեստագործության և հատկապես առևտրի ծավալմանն ու զարգացմանը²: Սակայն հարցադրումների մեծ մասը ընդհանուր բնույթի են և թերի: Անշուշտ, մեծ չափով զգացնել է տվել արխիվային նյութերի օգտագործման պակասը:

Ներկա հոդվածում կիրթնենք լուսաբանել քաղաքական և սոցիալ-տնտեսական այն նախադրյալները, որոնք պայմանավորեցին երկրամասի առևտրատնտեսական կյանքում հայերի ներգրավումը, նրանց դերը տնտեսության մի շարք ճյուղերի զարգացման և առևտրի ծավալման գործում:

XVIII դարի 20-ական թթ.³ կովկասյան քաղաքականության ակտիվացման շրջանում, Ռուսաստանը մեծ ուշադրություն էր դարձնում Մերձկասպյան

¹ И. В. Равинский. Хозяйственное описание Астраханской и Кавказской губерний... СПб., 1809; П. Зубов. Картина Кавказского края, принадлежащего России и сопредельных оному земель... СПб., ч. II, 1835; П. Г. Бутков. Материалы для новой истории Кавказа с 1722 по 1803 гг. Ч. 1—3, СПб., 1869; А. Павлов. О азиатских народах обитающих в южной России. СПб., 1841.

² А. В. Фадеев. Очерки экономического развития Степного Предкавказья в до-реформенный период. М., 1957; Н. П. Гриценко. Социально-экономическое развитие притеречных районов в XVIII—первой половине XIX в.—Труды Чечено-Ингушского НИИ. Т. IV, Грозный, 1961; С. А. Чекомеев. Социально-экономическое развитие Ставрополя и Кубани в конце XVIII в. в первой половине XIX в. Пятигорск, 1967; Н. Г. Волкова. О расселении армян на Северном Кавказе до начала XX в.—«Пատմա-բանասիրական հանդես», 1966, № 3; В. Л. Айрапетян. Из истории поселения армян на Северном Кавказе и их торгово-экономической деятельности.—«Բան-բեր Հայաստանի արխիվներ», 1974, № 1.

շրջանը և Թերեբի ավազանի նոր գրաված շրջանները տնտեսական որոշակի պոտենցիալ ներկայացնող քրիստոնյա բնակչությամբ բնակեցնելուն: Քրիստոնյա բնակչության թվի ավելացումը ի հակակշիռ մահմեդականների և տեղում սոցիալ-քաղաքական ամուր հենարանի ստեղծումը, քաղաքական նպատակներից բացի, կարևոր էր նաև առաջնահերթ այնպիսի հարցերի լուծման համար, ինչպիսիք էին՝ բանակը սննդամթերքով ապահովելը, երկրամասի ասայի և անմշակ հողերի արագ և ինտենսիվ յուրացումը, առևտրի աշխուժացումը, կովկասյան տեղաբնիկների ներգրավումը տնտեսական կյանքի և ռուսական առևտրի ոլորտը և այլն: Պատահական չէր, որ Պետրոս I-ի և նրա խորհրդականների ընտրությունը առաջին հերթին կանգ առավ հայերի վրա, որոնք իրենց առևտրատնտեսական գործունեությամբ վաղուց հայտնի էին ոչ միայն կովկասում, այլև Ռուսաստանում և նրա սահմաններից դուրս: XVIII դարի 20-ական թթ. կեսերից, Պետրոս I-ի նպաստավոր հրավերներով, ինչպես նաև օտար լծից ազատվելու և Ռուսաստանի հովանու տակ խաղաղ գոյավիճակ ապահովելու նպատակով, հայերի առանձին հատվածներ, թողնելով մայր հայրենիքը և իրենց վաղեմի բնակավայրերը՝ գաղթում են Մերձկասպյան շրջանի և Թերեբի ավազանի ռուսական սահմանները: Նրանք հայկական ոչ մեծ գաղթավայրեր են հիմնադրում Դերբենդում, Սուրբ խաչում, իսկ ավելի ուշ՝ Ղզլարում, Մոզդուկում և այլուր: Օգտվելով շնորհիվ մի շարք արտոնություններից, նորաբնակները արագորեն ընդգրկվում են երկրամասի առևտրատնտեսական կյանքի ոլորտը: XVIII դարի 20—30-ական թթ. վավերագրերում բազմիցս հիշատակվում են Մերձկասպյան շրջանում հաստատված հայ վաճառականներ, որոնք, շնայած երկրամասում տիրող ռազմական իրադրությանը, աշխույժ առևտրական կապեր էին հաստատել ռուսական մի շարք քաղաքների հետ: Աղբյուրներում քիչ չեն հիշատակությունները նաև հայ երկրագործների և արհեստավորների մասին, որոնք զգալի թիվ էին կազմում Մերձկասպյան շրջանի ռուսական նորաստեղծ քաղաք-ամրոցներում: Ռուսական կառավարող շերջանները, նորաբնակներին որոշակի արտոնություններ շնորհելով, հետապնդում էին մեկ այլ նպատակ ևս, այն է՝ շահագրգռել և խթանել Անդրկովկասից, Խրանի ու Թուրքիայի հայաշատ շրջաններից նորանոր հայերի վերաբնակեցումը Ռուսաստան:

XVIII դարի պաշտոնական վավերագրերում հաճախ է շեշտվում այն միտքը, որ հայերից շատերը, տեսնելով հայրենակիցների ապահով և արտոնյալ վիճակը, կձգտեն բնակություն հաստատել Ռուսաստանում: Հայերին սիրաշահելու և հովանավորելու՝ պետության քաղաքական և տնտեսական շահախնդրություններով պայմանավորված քաղաքականությունը ժառանգեցին նաև Պետրոս I-ի հաջորդները: Ռուսաստանի կողմից Հյուսիսային Կովկասի վերջնական գրավման և միավորման կարևոր նախադրյալներից էր երկրամասի տնտեսության արագ և ինտենսիվ յուրացումը, բրն իր հերթին պայմանավորված էր բնակչության թվի ավելացումով, նոր քաղաքների և գյուղերի հիմնադրմամբ, առևտրի զարգացումով, երկրամասը և տեղաբնիկներին համառուսական շուկայի մեջ ներգրավելով և այլն: XVIII դարի 30-ական թթ. սկսած երկրամասի բնակեցման գործում, կողակության և դրսեկ ռուս գյուղացիության հետ մեկտեղ, ոչ պակաս կարևոր դեր խաղացին նաև հայ գաղթականները: Շնորհիվ արտոնությունների հիման վրա և նրանց շրջանակներում հայերը համահավաք հայկական գաղթօջախներ հիմնեցին Ղզլարում, նրա շրջակա գյուղերում, իսկ ավելի ուշ՝ Մոզդուկում և երկրամասի այլ քաղաքներում

³ Архив внешней политики России (АВПР), ф. СРА, оп. 100/1, д. 3, 1736—1737 гг., лл. 1—2 об.

⁴ Армяно-русские отношения во втором тридцатилетии XVIII века. Сборник документов. Т. III. Ереван, 1978, док. 36, 38.

⁵ Полное собрание законов Российской империи (ПСЗРИ), т. X, № 7614, с. 564, АВПР, ф. СПб. Главный архив, II—25, 1763, д. 1, лл. 8.

ու գյուղերում: Հայերի կենտրոնացումը ռազմաքաղաքական և տնտեսական կարևոր նշանակություն ունեցող ռուսական բնակավայրերում, մեծ չափով կսոխորոշում էր նաև նրանց տնտեսական կյանքի զարգացման հնարավորություններն ու պայմանները: Հայ գաղթականները, ի տարբերություն զինվորական ծառայությամբ ծանրաբեռնված կողակության և ներգաղթող ռուս և ուկրաինացի ընչազուրկ գյուղացիության, ազատված էին զինվորական ծառայությունից և պետական զանազան հարկերի վճարումից: Այս հանգամանքը ևս վերջիններիս արտադրատնտեսական ծավալուն գործունեության ռեալ հնարավորություն էր ընձեռում:

Դրսեկ ռուս բնակչության համեմատ հայերը ավելի արագ էին ընտելանում ևրկրամասի բնակչության պայմաններին: Այսպես՝ չնայած Ղզլարի վստառողջ կլիմայական պայմաններին, հայերը ոչ միայն մնայուն գաղթօջախ հիմնեցին տեղում, այլև տարիներ շարունակ համառ աշխատանքներ էին տանում Ղզլարի շրջակա ճահճները չորացնելու և դրանց տեղում պտղատու այգիներ հիմնելու ուղղությամբ: Պաշտոնական վավերագրերի համաձայն, XVIII դարի 90-ական թթ. Թերեքի ավազանում բնակություն էին հաստատել հինգ հազարից ավելի հայեր, որոնց հիմնական մասը կենտրոնացված էր Ղզլարում և Մոզդուկում⁶: Արևելյան Կովկասում հայկական գաղթավայրերի սկզբնավորման վաղ շրջանի համար այդքան ստվար քանակությամբ հայերի կենտրոնացումը աննշան համարվել չէր կարող, եթե նկատի ունենանք ռազմական իրադրության պայմաններում երկրամասի բնակեցման դժվարություններն ու դանդաղ տեմպերը: Ավելին, հիմնադրման առաջին իսկ օրից ընդգրկվելով գյուղատնտեսության առավել ապրանքային ճյուղերի, տեղական արդյունագործության և առևտրի զարգացման ու ծավալման ոլորտը, հայերը նշանակալից դեր խաղացին և զգալի տեսակարար կշիռ ձեռք բերեցին երկրամասի առևտրատնտեսական կյանքում: Այսպիսով, կառավարության հովանավորող քաղաքականությունը, ազատ և ընդարձակ հողերի առկայությունը, բնակչության նպաստավոր պայմանները լայն հնարավորություններ ընձեռեցին հայ նորարաններին՝ զբաղվելու անմշակ հողերի յուրացմամբ: Հայրենիքում ձևաբերած տարիների փորձն ու հմտությունը նրանք սկսեցին ներդնել գյուղատնտեսական տարբեր կուլտուրաների մշակության գործում:

XVIII դարում և XIX դարի կեսերին երկրամասի տնտեսական կյանքին տոն տվողները Ղզլարն ու Մոզդուկն էին, որոնք ռազմավարական միավորներ լինելուց բացի, բնակչության կենտրոնացման, առևտրի, գյուղատնտեսական և արհեստավորական արտադրանքի պահեստային կենտրոններ էին: Ղզլարում վերաբնակեցման առաջին տարիներից, բնակչությանը սննդամթերքով ապահովելու նպատակով և որպես ապրուստի հիմնական աղբյուր առաջնահերթ նշանակություն է տրվել երկրագործությանը: Ազատ և անմշակ հողերի սովորական Ղզլարի շրջակայքում և դրանք անվճար ձեռք բերելու արտոնությունը՝ հայ նորարաններին հնարավորություն էր տալիս զբաղվելու գյուղատնտեսական տարբեր կուլտուրաների մշակությամբ: Բազմաթիվ վավերագրերով հավաստվում է ժամանակի համար բնորոշ այն իրողությունը, որ քաղաքային բնակչության մեծ մասը, այդ թվում՝ ազնվականները, զինծառայողները, առևտրականները հավասարապես զբաղվել են առևտրով, երկրագործությամբ, այգեգործությամբ, մետաքսամշակությամբ: Ղզլարահայ Ի. Գրիգորը 1757 թ. խնդրագրերից մեկում նշում է, որ տարիներ առաջ, շատերի հետ Սուրբ Խաչից փոխադրվել է Ղզլար, ընտանիքով ապրում է սեփական տանը, ունի կրպակներ, որոնցում առևտուր է անում իրանական և ռուսական տարբեր ապրանքներով, ինչպես նաև ունի այգի և վարելահող⁷: Նույն թվականին, Ղզլար-

⁶ Центральный государственный исторический архив в Ленинграде (ЦГИА СССР). ф. 1374, оп. 2, д. 1815, л. 89.

⁷ ПСЗРИ, т. XIII, № 9714, с. 139—200.

⁸ Центральный государственный архив Дагестанской АССР (ЦГА ДАССР), ф. 379, оп. 1, д. 390, л. 27.

ցի հայ զինվորական Գ. Խախանովը Ղզլարի պարետ Ֆրանկենդորֆին հասցեագրած խնդրագրում հայտնում է, որ Ղզլարում ընտանիքով բնակություն հաստատելու առաջին իսկ օրից, մյուս հայերի նման ձեռք է բերել բանջարանոց և խոտհարքի հողեր: Ընտանիքի կարիքները հոգալու նպատակով խնդրում է իրեն հատկացնել նաև փոխգնդապետ Թ. Ղուզանովի բանջարանոցին կից ազատ հողամասը թթենի աճեցնելու համար:

Երկրագործությանը և այգեգործությանը զբաղվելու նպատակով հողեր են հատկացվել նաև Մոզդոկում հաստատված հայերին: Մոզդոկի հայերի և վրացիների 1767 թ. Ղզլարի պարետին հասցեագրած խնդրագրից տեղեկանում ենք, որ հիմնադրման առաջին տարում նրանց հատկացվել են հողեր, որտեղ նրանք զբաղվել են հացահատիկի մշակությամբ, տնկել թթենիներ և խաղողի վազեր⁹:

Հայ համայնքի կողմից Մոզդոկի շրջակա հողերի մասսայական և ինտենսիվ յուրացման մասին է խոսում այն փաստը, որը 1772 թ. գարնանը, հայ բնակչության անունից Ե. Պապինը և Ն. Մանուչարովը Մոզդոկի պարետ Ֆ. Իվանովին ուղղված հայտարարության մեջ գրում են իրենց լրացուցիչ հողեր հատկացնելու մասին, քանի որ եղածը չի բավարարում հացահատիկային կուլտուրաների մշակությամբ զբաղվելու համար¹⁰:

XVIII դարի վավերագրերից մեկի համաձայն Ղզլարցիները կերակրվում էին Ղզլարի շրջակայքում աճեցվող հացահատիկով¹²: Սակայն սեահողերի բացակայությունը Թերեքի մերձափնյա շրջաններում և ցածրադիր հողերի ու ճահճուտների առկայությունը (հատկապես Ղզլարի շրջանում) զգալի չափով սահմանափակում էին հացահատիկային կուլտուրաների մշակության հնարավորությունը: Ղզլարի շրջակայքում աճեցվող հացահատիկը հազիվ է բավարարել տեղի բնակչության պահանջները, ուստի և որոշ քանակությամբ հացահատիկ ներմուծվել է Մոզդոկի շրջանից, իսկ հաճարացորեն՝ Աստրախանից¹³: Հացահատիկի պակասը Ղզլարի շրջանում լրացվել է սորոշինյան հացահատիկի (բրինձ) ցանքների ավելացմամբ, որի հիմնական ներմուծողներն ու մշակողները Անդրկովկասից գաղթած հայ գյուղացիներն էին: Շնորհիվ Ղզլարի շրջանի բնակչիմայական նպաստավոր պայմանների և հայ երկրագործների նախաձեռնության, փորձի և հմտության, բրինձի մշակությունը լայն տարածում է ստանում, իսկ մշակման տեխնիկան շուտով յուրացվում նաև կովկասյան տեղաբնիկների և ռուս վերաբնակների կողմից: Ակադեմիկոս Գիլդենշտեդը չեչենների երկրագործության մասին խոսելիս նշել է, որ նրանք զբաղվել են նաև սորոշինյան հացահատիկի մշակությամբ, որը, ամենայն հավանականությամբ, վերցրել էին հայերից¹⁴: 1835 թ. պաշտոնական տեղեկագրի համաձայն Ղզլարի շրջանում բրինձի մշակությամբ զբաղվում էին 53 ղզլարցիներ, որոնց մեծամասնությունը (ըստ ներկայացված անվանական ցուցակի՝ 98 տոկոսը) հայեր էին, այդ թվում՝ ազնվականներ Ատ. Արեշևը, Օ. Ազլինցևը, Ն. Սերբերյակովը, Ն. Խոջաևը, Ս. Միշվելը, Օ. Փառակեցովը, Պ. Մելքումովը, զինվորական Ա. Կաշկաշևը և ուրիշներ¹⁵: Նույն տեղեկագրի տվյալներով, 1835 թ. Ղզլարի շրջանում հավաքվել է 40415 փութ բրինձ: XVIII դարի վերջերից Ղզլարի շրջանից ստաց-

⁹ Նույն տեղում, ֆ. 379, ց. 2, գ. 49, թ. 74:

¹⁰ АВПР, ф. Кизлярские и Моздокские дела, д. 1, л. 139 об.

¹¹ Центральный государственный исторический архив Грузинской ССР (ЦГИА ГрузССР), ф. 1007, оп. 1, д. 3, лл. 161—162 об.

¹² Центральный государственный военно-исторический архив СССР (ЦГВИА СССР), ф. ВУА, д. 18570, ч. I, л. 84 об.

¹³ Նույն տեղում:

¹⁴ С. А. Чекменев. Социально-экономическое развитие Ставрополя и Кубани в конце XVIII и в первой половине XIX века. Пятигорск, 1967, с. 150.

¹⁵ ЦГА ДАССР, ф. 362, оп. 1, д. 46, л. 6.

վող բրնձի առատ բերքը ապահովել է ոչ միայն տեղական պահանջները, այլև մեծ բանակով ժամ արտահանվել Ռուսաստան:

Որոշակի էր հայերի և վրացիների ներդրումը երկրամասում այգեգործության, բանջարաբուսության կուլտուրաների մշակության գործում: XVIII դարի 80-ական թթ. կեսերին Ղզլարի շրջակա այգիներում նրանք աճեցնում էին հիմնականում խաղող, ինչպես նաև խնձորենի, ծիրանենի, սալորենի, տանձենի, բալենի, թթենի: Բանջարանոցներում և բուստաններում մշակում էին համեմունք, սեխ, ձմերուկ և այլն, որոնց մի մասը սպառվում էր տեղում, մեծ մասը առաքվում Աստրախան՝ վաճառքի¹⁶: Մոզդոկում, դարի վերջերին, քաղաքամերձ 1-ն նորատունկ այգիներից բացի, զգալի թիվ էին կազմում տնամերձ այգիներն ու բանջարանոցները, որոնց արտադրանքը՝ միրգ, վարունգ, սեխ, բակլա և այլն, հիմնականում սպառվում էր տեղում¹⁷:

XVIII դարի կեսերից Ղզլարահայերը զբաղվում էին նաև քունջութի, բամբակի, տորոնի, իսկ ավելի ուշ նաև դեղնաներկի և կապառի մշակությամբ, որոնք եկամտաբեր էին և լայն պահանջարկ ունեին ռուսական շուկաներում: Ղզլարի շրջանում աճեցվող տորոնը, որը բարձր էր գնահատվում Ռուսաստանում և նրա սահմաններից դուրս, Ղզլարի առևտրականները (այդ թվում և հայերը) փոխադրում էին Աստրախան, իսկ այնտեղից էլ՝ կայսրության տարբեր քաղաքներ: XIX դարի 30-ական թթ. կեսերին Ղզլարի շրջանում տորոնի մշակությամբ և արտահանումով զբաղվում էին ընդամենը երկու Ղզլարցի, այդ թվում 2-րդ գիլդիայի վաճառական Բայենդուրովը: 1836 թ. արտադրված 120 փուխ տորոնից 70 փուխը պատկանում էր վերջինիս¹⁸:

XIX դարի սկզբներին Ղզլարի շրջանում լայն տարածում էր ստացել նաև դեղնաներկի և կապառի մշակությունը, որոնց հիմնական արտադրողներն ու արտահանողները հայ կալվածատերերն ու վաճառականներն էին: Պաշտոնական տվյալներով 1835 թ. Ղզլարի շրջանում արտադրվել է 7670 փուխ դեղնաներկ և 970 փուխ կապառ: Այն հիմնականում վաճառքի է հանվել¹⁹:

Արևելյան Կովկասում առաջինը հայերը նախաձեռնեցին շաքարեղեգի աճեցումը: 1835 թ. Ղզլարահայ Ե. Մանվելովը Լենքորանից Ղզլար փոխադրեց և աճեցրեց շաքարեղեգի արմատները²⁰:

Խաղողագործությամբ և գինեգործությամբ զբաղվում էին նախակովկասում վաղուց բնակություն հաստատած կողակները: Սակայն տնտեսության այդ ճյուղերը երկրամասում լայն տարածում են ստանում հատկապես XVIII դարի կեսերից՝ հայերի և վրացիների վերաբնակեցումից հետո: Թերեքի ավազան գաղթած հայերը իրենց հետ Անդրկովկասից, Կովկասյան լեռներից, Դերբենդից, Իրանի կովկասյան տիրույթներից բերեցին խաղողի նոր տեսակի վազեր և սկսեցին դրանց մշակումը: Շուտով, շնորհիվ կառավարության հովանավորող քաղաքականության և հայ երկրագործների նախաձեռնության, Ղզլարի անշավիղ ճահնուտները վերածվում են խաղողի և այլ պտղատու այգիների: 1785 թ. տեղյալներով Ղզլարի շրջակայքում հաշվում էին 567 (հիմնականում խաղողի) այգիներ²¹: Ղզլարահայերի հիմնական եկամտի սղբյուրը խաղողի սեփական այգիներից ստացվող ցածրորակ և էժան, բայց միաժամանակ մեծ քանակությամբ արտադրվող կարմիր գինին էր (չիխիր), որը մասամբ սպառվում էր տեղում, իսկ հիմնականում փոխադրվում Աստրախան՝ վաճառքի: Աստրախանի նահանգային գրասենյակ ուղարկված տեղեկագրերից մեկում նշվում է, որ

¹⁶ ЦГВИА СССР, ф. ВУА, д. 18570, л. 85.

¹⁷ Նույն տեղում:

¹⁸ ЦГА ДАССР, ф. 362, оп. 1, д. 46, л. 3.

¹⁹ Նույն տեղում, թ. 4, 5:

²⁰ П. З а б л о ц к и й. Путевые записки из Астрахани, через Кизляр в Баку, в 1835 г. 1836 г. — ЖМВД, ч. 29, СПб., 1838, с. 15.

²¹ ЦГВИА СССР, ф. ВУА, д. 18570, л. 85.

1752 թ. Ղզլարում արտադրվել է 3012 դուլլ գինի և վաճառվել 2108 ուրլով²²: XVIII դարի կեսերին Ղզլարի գինու վաճառքը Աստրախանում այնպիսի շափերի է հասնում, որ իշխանությունները, պետական գինու վաճառքից ստացվող եկամուտներից չզրկվելու նպատակով, միջոցներ են ձեռնարկում Ղզլարից Աստրախան առաքվող գինու վաճառքը սահմանափակելու ուղղությամբ, ընդհուպ մինչև արգելումը²³: Ղզլարի պարետ Ստուպիշինը 1762 թ. դեկտեմբերին Արտաքին գործերի պետական կոլեգիա ներկայացրած զեկուցագրում հայտնում է, որ Ղզլարահայերը կայսրուհուն խնդրագիր են ներկայացրել Ղզլարից առաքվող գինու մասնավոր վաճառքը Աստրախանում արգելող Աստրախանի այգեգործական գրասենյակի 1759 թ. օգոստոսի 19-ի հրամանի առիթով: Դրա հետևանքով, հայտնում է Ստուպիշինը, հայերը նյութական ծանր կացության մեջ են ընկել: Ղզլարի պարետը հիմնավոր համարելով Աստրախանում նախկին գներով գինու մասնավոր և ազատ առևտուր անելու հայերի խնդրանքը, միաժամանակ նշում է, որ այն կնպաստի ոչ միայն Ղզլարահայերի տնտեսական դրության բարելավմանը, այլև խթան կհանդիսանա նորանոր գաղթականների բնակեցմանը Ղզլարում²⁴:

Արտաքին գործերի պետական կոլեգիայի առաջարկության, իսկ ավելի ուշ՝ Աստրախանի նահանգապետ Բեկետովի զեկուցագրի հիման վրա, Մենատը 1767 թ. սեպտեմբերին հրամայում է՝ թույլատրել Ղզլարի բնակիչներին, ինչպես նաև կողակներին, Աստրախանում գինին վաճառքի հանել ոչ թե դուլլերով, այլ տակառներով: Որպեսզի մանրածախ առևտուրը չվնասի պետական գինու վաճառքին²⁵: Պետության կողմից արվող նման սահմանափակումները և տերության գանձարանը անուղղակի հարկերով հարստացնելու տենդենցները բնորոշ էին նախառեֆորմյան ֆեոդալական Ռուսաստանի առևտրական քաղաքականությանը: Միաժամանակ օրակարգում դրված էր հարավային Ռուսաստանի՝ այգեգործության և գինեգործության զարգացման տեսակետից առավել նպաստավոր և հեռանկարային համարվող Ղզլարի և Մոզդոկի շրջանների տնտեսական յուրացման խնդիրը: Այդ նպատակով կառավարող շրջանները, խրախուսելով հայ վերաբնակիչների նախաձեռնությունը, փորձում էին համապատասխան միջոցառումներով նպաստել վերջիններիս տնտեսական գործունեությանը: XVIII դարի վերջերին Ղզլարի շրջան գաղթած դերբենագի հայերը 1804 թ., շրջնից հետևանքով զրկվում են իրենց նորատունկ այգիներից: Նորաբնակների տնտեսական վիճակը բարելավելու նպատակով պետությունը 10 տարով 80 հազար ռուբլի անտոկոս վարկ է տրամադրում նրանց²⁶: Դարասկզբին, նույն քանակությամբ վարկ է հատկացվում նաև Ղզլարցի այգետերերին՝ ցրտահարված այգիները վերականգնելու համար²⁷: Խաղողի գինու և օղու վաճառքի մաքսային սահմանափակումների վերացումը (1780 թ. և 1803 թ.), 1807 թ. Ղզլարում գինեգործական ուսումնարանի հիմնադրումը և այլ միջոցառումներ նպաստեցին երկրամասում այգեգործության, գինեգործության և գյուղատնտեսական մյուս ճյուղերի հետագա զարգացմանը²⁸:

Ղզլարահայերը 1829 թ. հունիսին Ի. Պասկևիչին հղած խնդրագրում նշում են, որ կառավարության հովանավորող քաղաքականության շնորհիվ փորձաքննվող բնակչությունն ունեցող Ղզլարի շրջանը ներկայումս արագորոմ է այնպիսի քանակությամբ գինի, մետաքս և բրինձ, որի հետ չեն կարող մրցել կլի-

22 ЦГА ДАССР, ф. 379, оп. 1, д. 272, л. 13.

23 С. А. Чекменев. Указ. соч., с. 185.

24 АВР, ф. СПб. Главный архив, II—25, 1763, д. 1. л. 1—13 об.

25 ПСЗР, т. XVIII, с. 343—344.

26 ГПБ им. Салтыкова-Щедрина, ОР и РК, ОСПК, рукопись Г. Мадеевского папис. в 1844 г.

27 О разномверцах, покоренных Россиею и добровольно поселившихся в ней народах. Митава, 1838, с. 21.

28 П. Кеппен. О виноделии и винной торговле в России. СПб, 1832, с. 95.

սլավական և հոգային լավագույն պայմաններ ունեցող ոչ միայն հարավային Ռուսաստանի, այլև անդրկովկասյան նահանգները²⁹։

Բարեկարգ ճանապարհների բացակայության պատճառով Ղզլարի այգիներից ստացվող և տակառներում պահվող խաղողի դինին առանց նշանակալի կորուստների անհնար էր փոխադրել ռուսական հեռավոր քաղաքները։ Այդ պատճառով XVIII դարի վերջերից Ղզլարահայերի մի մասը սկսում է խաղողի գինուց սպիրտ պատրաստել, որից էլ օղի էին թորում։ XVIII դարի 90-ական թթ. Ղզլարում հիմնվում են հայ այգետերերին և վաճառականներին պատկանող օղեթորման մասնավոր գործարաններ, որոնք 2—3 պղնձե կաթսաներով տնայնագործական տիպի և ցթահանության նահապետական սկզբունքներով գործող ոչ մեծ ձեռնարկություններ էին։ Դործարաններում, որպես կանոն, աշխատում էին 1—2 հայ վարպետ և 5—6 բանվոր³⁰։

Սղու արտադրությունը ծավալելու և Ղզլարցիներին խրախուսելու նպատակով 1803 թ. հուլիսի 19-ին հետևում է բարձրագույն հրամանը, որի համաձայն թույլատրվում էր խաղողի օղին Մոսկվա փոխադրել առանց մաքս վճարելու³¹։

Պաշտոնական տեղեկագրի համաձայն 1828 թ. Ղզլարի շրջանի (ներառյալ Ղզլարը) 123 օղեթորման գործարաններում (որից 10-ը կոզակային ստանիցաներում) արտադրվել է 206025 դույլ օղի։ Տեղեկագրի համաձայն առավել խոշոր ձեռնարկությունները պատկանում էին հայ կավածատերեր Վ. Քայանթարովին, Կ. Խոջաևին, Օ. Թավաքալովին, Խաստատովին, քաղաքացիներ Ստ. Ավագովին, Ն. Բուրջալովին, Ի. Փառակեցովին և ուրիշներին։

Ղզլարահայ և մոզդուկահայ այգետերերի և վաճառականների մի մասը օղեթորման գործարաններ էին հիմնել նաև Կովկասյան մարզի կոզակային ստանիցաներում³²։

Օղեգործության ծավալմանը զուգընթաց գինեգործությունը Ղզլարում շարունակվել է նաև հետագա տարիներին և հանդիսացել մանր ու միջին այգետերերի գոյության հիմնական աղբյուրը։

XIX դարի կեսերին օղու համար սահմանված հարկերի ավելացման, Թերեք գետի մշտական հեղեղումների, հաճախակի ցրտահարությունների և այլ պատճառներով Ղզլարի շրջանում զգալիորեն կրճատվում են խաղողի այգիները, որի հետևանքով խաղողագործությունը և գինեգործությունը նկատելի անկում են ապրում։ Փոխարենը, տնտեսության այս ճյուղերը սկսում են դարձանալ Մոզդուկի, Պյատիգորսկի և կոզակային գործերի շրջաններում։ Հարկ է նշել, որ այս բոլորով հանդերձ, Ղզլարն իր շրջանով XIX դարի կեսերին խաղողի բերքի և նրանից ստացվող գինու և օղու արտադրությամբ երկրամասում առաջնությունը պահում էր իր ձեռքում։

XVIII դարի սկզբներից ռուսական կառավարող շրջաններում մեծ ուշադրություն էր դարձվում հարավային երկրամասում, մասնավորապես Թերեքի ավազանում (որի կլիմայական նպաստավոր պայմաններ կային թթենիների աճեցման համար), շերամապահության և մետաքսամշակության զարգացմանը։ Հայրենական մետաքսագործությունը ստեղծելու նպատակով խրախուսվում էր նաև այդ կուլտուրայի մշակությանը լավ ծանոթ հայերի և վրացիների բնակեցումը Արևելյան Կովկասում։ Դեռևս 1718 թ. Թերեքի ափին, Ղզլարի մոտ, հոգեր են տրամադրվում հայազգի Սաֆար Վասիլևին թթենիների աճեցման և մետաքսի մշակության համար։ Տարբեր արտոնությունների շնորհիվ նրան նպատակ ունեն շահագործել և նորանոր վարպետ մետաքսագործներ հրավիրել Իրանի հայաշատ շրջաններից³³։ Ս. Վասիլևի սկսած և ժամանակավորա-

²⁹ ЦГИА ГрузССР, ф. 2, оп. 1, д. 2495, л. 2 об.

³⁰ ЦГА ДАССР, ф. 362, оп. 1, д. 56, лл. 5—8.

³¹ ЦГИА ГрузССР, ф. 2, оп. 1, д. 2495, л. 2.

³² ЦГА ДАССР, ф. 362, оп. 1, д. 44, л. 17, 24.

³³ Азмяно-русские отношения в первой трети XVIII в. (сборник документов), т. 2, ч. 1, Ереван, 1964, док. 23.

պես ընդհատված գործը դարի 40-ական թթ. շարունակեցին Վ. Մակարովը. ապա Լ. Շիրվանովը։ Ստանալով կայսերական թույլտվությունը և արտոնագրեր, ներանք ձեռնամուխ եղան մետաքսի մշակության բավական բարդ և աշխատատար գործին³⁴։ Ղզլարի շրջակա թթենու առատ ծառատունկերը լայն հնարավորություններ ընձեռեցին երկրամասում մետաքսի մշակությունը արմատավորելու և զարգացնելու համար։ Դարի կեսերին Թերեքի ավազանում իրանահայ առանձին հատվածների շարունակվող վերաբնակեցումը զգալիորեն ներպատեց մետաքսամշակության ծավալմանը։ Այսպես, 1753 թ. Վ. Մակարովին են դիմում ուզումեցի, մարաղացի և Թավրիզի շրջակա գյուղերի մի խումբ իրանահայեր՝ Ղզլար փոխադրվելու և տեղի մետաքսամշակման գործարանում աշխատելու խնդրանքով։ Իրանահայերը պայմանագիր են կնքել Սակարովի հետ, ըստ որի նա իր հաշվին նրանց պետք է տեղափոխեր Ղզլար և պայմաններ ստեղծեր մետաքսի, բրնձի, բամբակի, տորոնի մշակության գրավելու համար։ Դրա փոխարեն վերաբնակյալները պարտավորվել են արդյունքի մի մասը ձեռնարկատիրոջը հանձնելուց հետո միայն մնացածը վաճառել³⁵։ XVIII դարի 50-ական թթ. վերջերին մոսկվացի հայ վաճառական Մ. Խաստատովը գնում է Սարաֆանովո գյուղում (հետագայում Շելկովայա ստանիցա) Ս. Վասիլևի հետնորդների հիմնած մետաքսամշակման գործարանը։ 1765 թ. տվյալներով՝ գործարանին կից բնակություն էին հաստատել 83 հայ, 78 վրացի, 71 չերքեզ և կումիկ³⁶։ Տարբեր աղբյուրների վկայություններով Սարաֆանովոյի բնակչությունը մետաքսամշակությունից բացի (1772 թ. արտադրվել է 8 փութ մետաքս)³⁷, զբաղվել է նաև այգեգործությամբ, բրնձի և բամբակի մշակությամբ։ Տեղի բնակչության առաջնահերթ պահանջարկը բավարարելուց հետո, արտադրանքի որոշ մասը (այդ թվում՝ տեղական շոր մրգեր և ձուկ) արտահանվել է Մոսկվա և կենտրոնական ալ քաղաքներ³⁸։

XVIII դարի կեսերից մինչև XIX դարի կեսերը Թերեքի ավազանի մետաքսամշակության հիմնական կենտրոնը Ղզլարն էր, որտեղ 1785 թ. գործել են հայերին պատկանող երեք մետաքսամշակման գործարան։ Վավերագրի վկայությամբ, արտոնություններից օգտվող հայ ձեռնարկատերերը օգտագործել են բացառապես տեղական հումքը, իսկ ստացված մետաքսը վաճառել Ղզլարում։ Առաջին երկու գործարաններից յուրաքանչյուրում աշխատել է հինգ, իսկ երրորդում՝ չորս ընտանիք։ Անհրաժեշտության դեպքում թույլատրվել է լրացուցիչ աշխատողներ վարձել Ղզլարի կամ հարևան գյուղերի ազատ գյուղացիներից³⁹։ Շերամապահությամբ և մետաքսի մշակությամբ զբաղվել են Ղզլարի հայ բնակիչներից շատերը, որոնք XVIII դարի կեսերից խնդրագրերով լրացուցիչ հողամասեր էին ձեռք բերել թթենիների աճեցման համար⁴⁰։ Պաշտոնական տվյալների համաձայն, 1799 թ. Ռուսաստանում մշակված 190 փութ մետաքսից 123 փութը բաժին էր ընկնում Թերեքի մետաքսագործներին⁴¹։

XIX դարի 30-ական թթ. հայերը Ղզլարի շրջակայքում աճեցրել էին 500 000 թթենի, ուր տարեկան մինչև 75 փութ մետաքս էին արտադրում⁴²։ Մեկ տասնամյակ անց Ղզլարում հաշվվում էին 24 առավել խոշոր հայ մե-

34 ПСЗРІ, т. XI, № 8242, с. 259—262; № 8449, с. 512.

35 Մաշտոցի անվ. Մատենադարան, կաթողիկոսական դիվան, թղթ. 1, վավ. 28.

36 ЦГА ДАССР, ф. 379, оп. 1, д. 610, л. 14.

37 И. А. Гильденштедт. Географическое и статистическое описание Грузии и Кавказа из путешествия г-на академика И. А. Гильденштедта через Россию и по Кавказским горам в 1770, 71, 72, и 73 годах. СПб., 1809, с. 25.

38 ЦГА ДАССР, ф. 379, оп. 1, д. 881, лл. 18, 22—23.

39 ЦГВИА СССР, ф. ВУА, д. 18570, л. 84 об.

40 ЦГА ДАССР, ф. 379, оп. 2, д. 49, лл. 6, 60, 73.

41 ПСЗРІ, т. XXVI, № 19290.

42 ЦГИА ГрузССР, ф. 2, оп. 1, д. 2495, л. 38 об. Собрание актов..., т. II, с. 105.

տաքսամշակողներ, որոնցից 11-ը կալվածատերեր էին, իսկ մյուսները ունեվոր քաղաքացիներ և վաճառականներ (Արեշե, Սերբերյակով, Ագլինցե, Թարումով, Շերգիլով, Միշվելե, Բուրջալով, Պետրոսով և ուրիշներ)⁴³։ XIX դարի 30-ական թթ. վերջի վավերագրերից մեկում հայ ազնվականներ Գ. Շերգիլովը, Ա. Միշվելեը և Ղզլարահայ Պ. Տանգովը համապատասխանաբար հիշատակվում են որպես կովկասյան մարզի մետաքսագործության տեսուչ, գործավար և հաշվագիր, որոնք միևնույն ժամանակ թթենու այգիներ են ունեցել Ղզլարում և զբաղվել մետաքսամշակությամբ։ Նույն վավերագրում նշվում են նաև Ղզլարահայեր Ս. Դիարովը, Ա. Ասլամազովը, Ս. Կոթևիկովը որպես մետաքսաթելի հմուտ մշակողներ⁴⁴։

Մոզդոկում նույնպես մետաքսի մշակությամբ գերազանցապես զբաղվել են հայերը։ Մոզդոկի քաղաքային վարչության 1834 թ. տեղեկագրում հիշատակվում են 158 հայ մետաքսագործներ, այդ թվում՝ 11 կալվածատեր, 6 հոգևորական և 141 մոզդոկցի հայ տնտեսներ, որոնք ընդհանուր քանակությամբ ունեին 10 043 թթենի և մշակում էին 8 փութ 62 ֆունտ մետաքս⁴⁵։ Այդ նույն ժամանակ մոզդոկցի վրացիները (77 մետաքսագործ) մշակել են 3 փութ 27 ֆունտ, օսերը (8 մետաքսագործ)՝ 11 ֆունտ, իսկ չերքեզները (8 մետաքսագործ)՝ 12,5 ֆունտ մետաքս։ Ընդհանուր առմամբ, 1834 թ. Մոզդոկում հաշվվում էր 14 048 թթենի և մշակվում էր 14 փութ 2 ֆունտ մետաքս⁴⁶։

Մոզդոկում մետաքսամշակման գործարանների առկայության մասին վավերագրերում տեղեկությունների չենք հանդիպում։ Մոզդոկահայերի հատուկ տնականերում մշակվող ոչ մեծ քանակությամբ մետաքսը հիմնականում սպառվել է տեղում և միայն աննշան քանակությամբ է արտահանվել։ XIX դարի կեսերից մետաքսամշակությունը երկրամասում անկում է ապրում։ Մետաքսամշակման գործարանների բացակայությունը (Ղզլարի մետաքսամշակման գործարանները դեռևս XVIII դարի վերջերին պետական վարկերը չվճարելու պատճառով պետականացվել էին)⁴⁷, սպառման շուկաների հեռավորությունը, ճանապարհների անհարմարությունը, մետաքսամշակության բավական աշխատատար պրոցեսը և ազատ աշխատուժի գրեթե մշտական պակասը, մետաքսամշակման արտադրանքի համար սահմանված ցածր գները որոշակիորեն դանդաղեցրել և սահմանափակել են մետաքսագործության զարգացման տեմպերը և հայ մետաքսարտադրողների գործունեությունը երկրամասում։

Հատկանշական էր հայերի մասնակցությունը XVIII դարի հյուսիսկովկասյան առևտրում։ Հայ վերաբնակիչների համար արտոնյալ գոյավիճակի հաստատումը (այդ թվում՝ կաբարդական և կումիկական իրենց նախկին բնակավայրերը մեկնելու թույլտվությունը), աղատ և անմաքս առևտուրը նպատակ ունեին ոչ միայն բարելավել նորաբնակների տնտեսական վիճակը, այլև շահագրգռել և նպաստել նոր գաղթականների վերաբնակեցմանը⁴⁸։ Առևտուրը, ռուսական իշխանությունների ծրագրով նպաստելու էր երկրամասում տնտեսական կյանքի աշխուժացմանը, ինչպես նաև խթան պիտի հանդիսանար կովկասյան լեռնցիների նյութասլես շահագրգռելու և ռուսական առևտրում ներգրավելու գործում։ Ղզլարի և Մոզդոկի պարետային գրասենյակների ընթացիկ գրառումների հաշվեմատյաններում և այլ փաստաթղթերում բազմիցս հանդիպում ենք հայ առևտրականների մասին հիշատակությունների։ Նրանք ազատ ու անվտանգ առևտրական երթևեկի նպատակով հատուկ անձնագիր էին ստանում, մեկնում Աստրախան, իսկ այնտեղից՝ Ռուսաստանի տարբեր քաղաքներ։ Այսպես՝ Ղզլարի հայ համայնքի ավագ Ս. Իվանովը 1772 թ. Ղզլարի պարետին

⁴³ Н. П. Гриценко. Указ. соч. с. 55; С. А. Чекуменев. Указ. соч., с. 195.

⁴⁴ ЦГА ДАССР, ф. 362, оп. 1, д. 54, лл. 4 об, 6 об—7.

⁴⁵ Նույն տեղում, գ. 24, թ. 4—5.

⁴⁶ Նույն տեղում, թ. 2—8.

⁴⁷ ПСЗРИ, т. XXVI, № 19290.

⁴⁸ АВПР, ф. Кизлярские и Моздокские дела, 1762—1763 гг., д. 1, лл. 133—134 об., 147—156 об.

ուղղված զեկուցադրում հիշատակվում է Ղզլարցի հայ Ա. Մանուչարովը, որը առևտրական նպատակով Աստրախան մեկնելու համար անձնագիր (նաև անցաթուղթ) է խնդրում: XVIII դարի երկրորդ կեսի այլ վավերագրերում հիշատակվում են Ղզլարցի հայեր Ա. Մանվելովը, Ստ. Սուլթանովը, Խաչիկովը, Մ. Իսաևը, Յ. Կարպովը և ուրիշներ, որոնք հայ համայնքի ավագի միջնորդությամբ Ղզլարի պարետից անձնագիր էին ստանում Աստրախան, Անդրկովկաս և ռուսական տարբեր տրևալաճառներ մեկնելու համար⁴⁹։ Հայերը Ռուսաստանի և Անդրկովկասի շուկաներում վաճառքի էին հանում հիմնականում սեփական երկրագործական արտադրանքը: Փոխարենը, Աստրախանում, Մակարևյան, հետագայում Նիժնի Նովգորոդյան տոնավաճառներում հայ առևտրականները գնում էին մետաքս. բամբակ, մահուդ, կտավե գործվածքներ, երկաթե և այլ մանր ապրանքներ, որոնց սպառումն արդեն կատարվում էր Ղզլարում, Մոզդոկում, կողակային ստանիցաներում, կովկասյան գծի ռուսական ընկալայրերում և այլուր⁵⁰։ Ապրանքների մի մասն էլ վաճառվում էր Կովկասյան լեռներից և այլ ընկալայրերից Ղզլար և Մոզդոկ ժամանած լեռնցի, այդ թրվում է հայ միջնորդ առևտրականներին⁵¹։ Միաժամանակ Մոզդոկի պարետային գրասենյակի 1776 թ. տեղեկագրերում հանդիպում ենք Ղզլարցի և մոզդոկցի հայ առևտրականների: Նրանք Մեծ և Փոքր Կաբարդա վաճառքի են հանել Ղզլարում և Մոզդոկում գնված մի շարք ապրանքներ, հիմնականում սպիտակ կտավ, բյազ, բամբակե գործվածքներ, արծաթ, աղ և այլն, որոնց կարիքը մեծ չափով զգացվել է Կաբարդայում⁵²։ Վավերագրերի և բազմաթիվ այլ աղբյուրների վկայությամբ, կովկասյան տեղաբնիկների հետ կատարվող առևտուրը կենտրոնացած էր հիմնականում Ղզլարահայ և մոզդոկահայ առևտրականների ձեռքում: Կովկասյան մի շարք լեզուների և տեղաբնիկների սովորույթներին քաջատեղյակ հայերը, կումիկների և կաբարդացիների շրջանում ապրող հայերենակիցների միջնորդությամբ, երկուստեք շահավետ առևտուր են ծավալել ոչ միայն Կաբարդայում, Թարքուում, այլև կումիկական էնդերի (Անդրեկո), Բրազուն և Կոստեկ գյուղերում⁵³։ XVIII դարում Ղզլարում և Մոզդոկում տոնավաճառներ չեն եղել: Մշտական առևտուր ապահովելու նպատակով XVIII դարի վերջերին Ղզլարում գործել են երեք առևտրական շուկաները (առևտրական քարվանսարաններ)⁵⁴։ Ռուսական, հայկական և թաթարական⁵⁵։ Բազմաթիվ աղբյուրների վկայությամբ, XVIII—XIX դդ. երկրամասում իրականացվող մեծածախ և մանրածախ առևտրի մենաշնորհը հայերի ձեռքին էր: 1785 թ. տվյալներով, Ղզլարի 169, Մոզդոկի 120 եռաշարք կրպակներում պարսիկ, վրացի և հիմնականում հայ վաճառականները ամբողջ տարին առևտուր էին անում: Նրանք տեղական և ներմուծված գյուղատնտեսական, արհեստավորական և արդյունաբերական ապրանքներով բավարարում էին տեղի բնակչության պահանջները⁵⁶։ XIX դարի սկզբներից մշտական առևտրի հետագա ծավալումը՝ կրպակների, խանութների, այլ առևտրական հաստատությունների ավելացումը Ղզլարում, Մոզդոկում և երկրամասի այլ քաղաքներում ու գյուղերում, ներքին շուկայի զարգացման և կապիտալիստական նոր արտադրահարաբերությունների ձևավորման պերճախոս վկաներն էին: Առևտրական պահեստային կենտրոնի դեր ստանձնած Ղզլարը մեծ քանակությամբ ապրանքներ էր ներմուծում նաև Իրանից (Դերբենդի վրայով) և Կովկասի լեռնային շրջաններից, այդ թվում՝ հում մետաքս, մետաքսե և բամբակե գործվածքներ, տորոն, տարբեր մորթիներ, փայտե իրեր, թաց և չոր մրգեր, ընկույզ, բրինձ, փայտե գոր-

49 ЦГА ДАССР, ф. 379, оп. 1, д. 880, л. 94; д. 963, лл. 22, 24, 91, 95.

50 ЦГВИА СССР, ф. ВУА, д. 18570, ч. 1, л. 84.

51 Նույն տեղում, թ. 84, տե՛ս ЦГИА ГruzССР, ф. 1007, оп. 1, д. 47, л. 225.

52 ЦГА ДАССР, ф. 379, оп. 1, д. 1055, лл. 43—48.

53 АВПР, ф. Кизлярские и Моздокские дела, д. 1, л. 156 об.; И. Равнинский. Указ. соч., с. 446—447.

54 Նույն տեղում.

55 ЦГВИА СССР, ф. ВУА, д. 18570, лл. 82 об., 99.

ծիրեներ և ալլն: Այդ ապրանքները հիմնականում փոխադրվում էին Աստրախան կամ էլ վաճառվում Ղզլարում՝ Մոսկվայից եկած վաճառականներին⁵⁶: Մոզդոկում, հատկապես XVIII դարի վերջերին, Ռուսաստանից ստացվող ապրանքների հետ մեկտեղ տարբեր ապրանքներ էին ներմուծվում Վրաստանից (տարեկան մոտ 10000 ռ. արծողությամբ)⁵⁷: Այդ առևտուրը, շնչին բացառությամբ, կենտրոնացված էր Թերեքի շրջանում և Վրաստանում բնակվող հայերի և վրացիների ձեռքին:

XIX դարի առաջին կեսին ևս Ղզլարը և Մոզդոկը շարունակել են կարևոր դեր: խազալ թե՛ ներքին և թե՛ Կովկասը Ռուսաստանի հետ կապող տրանզիտային առևտրում: Դարասկզբին լայն տարածում է ստանում երկրամասի նախառնֆորումյան շրջանին բնորոշ և ներքին փոխանակումը ապահովող տոնավաճառական առևտուրը: Մի շարք նոր տոնավաճառներ են հիմնվում երկրամասի քաղաքներում, ստանիցաններում, գյուղերում, այդ թվում՝ Ղզլարում և Մոզդոկում: Ղզլարի հայկական դատարանը 1823 թ. ապրիլին Ղզլարի պարետ և շրջանի պետ Ի. Պեպինին է ներկայացնում տեղում տոնավաճառներ (տարին 2 անգամ) և կիրակնօրյա շուկա բանալու վերաբերյալ Ղզլարի հայկական, վրացական և թաթարական համայնքների համախոսականը⁵⁸: Վավերագրին կից ներկայացվող տեղեկագրում հիշատակվում են Ղզլարում կենտրոնացված տեղական և տարբեր վայրերից վաճառքի բերված 57 տեսակի զանազան ապրանքներ, այդ թվում՝ խաղողի օղի, գինիներ, տեղական և իրանական մետաքս, բրինձ, տորոն, տարբեր մրգեր, անասուններ, մորթիներ, կաշի, ձկնեղեն, ադիգլական և կուբաշինյան զենքեր, գորգեր և այլն: Տեղեկագրում նշվում են նաև տեղում վաճառքի համար ներմուծված 11 տարբեր ապրանքներ՝ մետաքս և բամբակե կտորներ, արծաթե և ոսկե իրեր, կահույք, հախճապակյա ամաններ, ճենապակի, շաքար, թեյ, շոկոլադ և այլն⁵⁹: Տարատեսակ ապրանքների յիշատակումը վավերագրում վկայում է, որ Ղզլարը XIX դարի կեսերին ոչ միայն առևտրական ծավալուն կապեր ունեցրել են երկրամասում և նրա սահմաններից դուրս, այլև տարանցիկ առևտրի հանգուցային կետերից մեկը հանդիսանալով, միաժամանակ ապահովում էր ներքին, տեղական շուկան գյուղատնտեսական և արդյունաբերական ապրանքներով: Ղզլարում, Մոզդոկում և այլ վայրերում տոնավաճառների հիմնումը և նրանցում ապրանքաշրջանառության մշտական և անընդհատ աճը ցայտուն ապացույցներն էին երկրամասում շուկայական աշխույժ կապերի հաստատման և հետագա ընդլայնման: XIX դարի 30-ական թթ. Ղզլարի կապիտալ ունեցող 11 հայ վաճառականներից բացի, որոնք առևտուր էին անում Ռուսաստանի առևտրաշատ քաղաքներում, հայ առևտրականների մեծամասնությունը զբաղված էր տեղում ռուսական և արտասահմանյան ապրանքների առևտրով: Նրանք տարեկան շուրջ 60 հազար ռուբլու առևտուր էին անում: Մոզդոկի հայ վաճառականները ներմուծված ապրանքների մոտ 52000 ռուբլու և 1500 ռուբլու մանրապրանքային առևտուր էին անում⁶⁰: XIX դարի կեսերին, Մոզդոկը ոչ միայն հացահատիկային կուլտուրաների շահավետ առևտուր ունեցրելու և ռուսական քաղաքների հետ, այլև անասնավաճառության կենտրոն էր: Լեռնցիները, Թերեքի շրջանում քոչվոր կյանք վարող նողայները, որոնց գլխավոր զբաղմունքը անասնապահությունն էր, մեծ թվով անասուններ էին քշում Մոզդոկ և վաճառում: Առևտուրը քաղաքին տարեկան տալիս էր մոտ կես միլիոն ռուբլու եկամուտ: Դա հետևանք էր այն բանի, որ թե՛ լեռնցիները և թե՛ նողայները, սովորաբար, ձեռք բերած գումարով տեղում գնում էին մանուֆակտուրային ապրանքներ, թեյ և այլն⁶¹:

⁵⁶ Նույն տեղում, թ. 84.

⁵⁷ Նույն տեղում, թ. 99.

⁵⁸ ЦГА ДАССР, ф. 379, оп. 3, д. 421, лл. 4—5.

⁵⁹ Նույն տեղում, թ. 7—8.

⁶⁰ ЦГИА ГрyзССР, ф. 2, оп. 1, д. 1047, лл. 161, 162.

⁶¹ «Արձագանք», 1895, № 151, էջ 3:

Ընդհուպ մինչև XIX դարի կեսերը, առևարը մանրապրանքային ու մանրածախ բնույթը, երկրամասում առևտրական հարմար ճանապարհների բացակայությունը և քաղաքական անապահով վիճակը ինչ-որ չափով կանխորոշում է սահմանափակում էին Արևելյան Կովկասում իրականացվող առևտրի չափերն ու ժառանգությունը: Այնուամենայնիվ, ժամանակի պահանջներից ըխող, քաղաքական և տնտեսական որոշակի նպաստակներ հետապնդող հյուսիսկովկասյան առևտուրը կարևոր է անցումային էտապ էր երկրամասի և նրա ժողովուրդների սոցիալ-տնտեսական կյանքում:

Այսպիսով, մի շարք արտոնություններից օգտվող Ղզլարի, Մոզդոկի և մյուս հայապահ գաղթօջախները նշանակալի ներդրում են ունեցել Արևելյան Կովկասի բնակեցման և անասնական յուրացման, առևտրի զարգացման և ծավալման գործում:

Ի տարբերություն գրեթե նույն ժամանակաշրջանում հիմնադրված գերմանական, շոտլանդական և օտարերկրյա մյուս ինքնապարփակ և առանձնացված համայնքների (որոնք նույնպես արառնյալ համայնքներ էին և կոչված էին նպաստել երկրամասի տնտեսական յուրացմանը), հայ հասովածները ողուս գրեթե բնակչության, անասնաբուծության և անհրաժեշտների հետ մշակական շրջիմունների և կապերի շնորհիվ արտագրատնտեսական և առևարական լայն գործունեություն ծավալեցին երկրամասում և նրա սահմաններից դուրս: Մայր հայրենիքի և ողուսահայ մյուս գաղթավայրերի հետ կենդանի կապերի, ողուս բնակչության հետ բազմապիսի և բաղմարնույթ առնչությունների և փոխադրեցության հետևանքով հայ համայնքները հնարավորություն ստացան լավագույն ձևով օգտագործել տնտեսվարության ժամանակի առաջագիմական մեթոդներն ու եղանակները:

ИЗ ИСТОРИИ ТОРГОВО-ЭКОНОМИЧЕСКОЙ ЖИЗНИ
АРМЯНСКИХ ПОСЕЛЕНИЯ СЕВЕРНОГО КАВКАЗА
(Кизляр, Моздок; XVIII—первая половина XIX вв.)

Л. А. ПОГОСЯН

Резюме

Переселение армян в район Прикаспия и бассейн р. Терек в 20-х годах XVIII в. было связано не только со сложной политической ситуацией на их родине, но и с определенными интересами России в этом регионе. Армянское население Дербента, Св. Креста, Кизляра, Моздока, пользовавшееся некоторыми привилегиями, должно было способствовать интенсивному экономическому освоению края, развитию торговли. Находясь в постоянном тесном общении с русским и местными кавказскими народами, армяне развернули обширную торгово-экономическую деятельность не только в самом крае, но и за его пределами. Особенно значителен был вклад армянских поселенцев в развитие земледелия, виноградарства, скотоводства, шелководства. Покровительственная политика России, благоприятные природно-климатические условия, предприимчивость, опыт и трудолюбие армян обусловили благосостояние и перспективы развития армянских поселений и всего края.